

## Vorred.

erforschen / vnd auf dem Grund der dreyen Principien philosophiren / der Natur möglichkeit betrachten / Homogenea vnd nicht Heterogenea misciren / auch nicht den vorgeschriebenen processen nach / in ein weites feld hinein laborieren / sondern die Natur erkennen lernen / Simile Simili conjugieren in rechter ordnung / qualitet / maß vnd gewicht / so werden wir in Alchymia nicht also ein lähres Stroh dreschen / sondern der mahl eins auch einen reinen Wanzen auffheben / die Sprewer / hülßen / vnd allerley Defect vnd Impuritet darvon abscheiden / vnd das Edle Perlein des Gebenedachten Steins / vormittels Götlicher Gnaden / segens vnd beystands (der in alle weg darben sein muss / ohne den geschicht nichts) darvon bringen / vnd erlangen.

Nun haben aber Ewer Lieb vnd Gunsten eine grosse Prärogativ vnd vorzug vor allen Liebhabern dieser Kunst / bey vns her aussen im Röm. Reich. Dann wie man pflegt zu sagen / so sihet ijr mitten in den Rohren / vnd könnet euch Pfeissen schneiden nach ewerm gefallen / wie ijr wollen / das ist ijr sihet mitten in der Reichen Schatzkammer der Natur / vnd den Mineral vnd Metallischen Erzgruben / vnd Bergwerken / könnet die Materialia haben nach dem besten / vnd gleich zu rechnen vmb sunsten: Habt Gold / Silber / vnd allerley Mineralia gnugsam vnder den füssen vnd henden / wann ijr nur suchen / vnd der Natur nachforschen möchtet vnd woltet : daß wir nicht in Teutschland haben an keinem ort / also stattlich / vnd reichlich / wie ijr in Steyer / Kärnten / Tyrol / rc. Daz ijr billich glückseliger zuschäzen als wir / die wir solches vmb groß Geldt nicht haben oder bekommen mögen.

Darumb dann nicht vmbsonst vnser Thewre Präceptor vnd Eremit THEOPHRASTVS , also gern sich bey Euch auffgehalten / gewohnet / Thewre Berg vnd Fodinas Metallicas wol vnd eben durchsucht vnd durchsehen / im darauff genommen zur Medicin vnd Tinctur / was ihm tauglich gewesen / vnd ein gewaltig Exempel vnd beispiel euch nicht allein mit seiner handtarbeit vnd Practica Medica , sondern auch mit seinen Thewren vnd hochwürdigen Schrifften / mehrertheils in Carinthia , Styria , vnd vmb Salzburg geschrieben / hinderlassen / die ijr fleissig durchfor